



UNIVERSITÄTS-
BIBLIOTHEK
PADERBORN

Arbor Vitæ Sive Vita Et Doctrina Christi

Ex Quatuor Evangeliiis In Meditationes Quotidianas Velvti Totidem Ramos
Distributa

Illsung, Jakob

Dilingæ, 1693

Meditatio CCLXXIII. De Zizanijs, bono semini in inspersis.

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

140 *Ab Octava SS. Corp. Christi. usque ad Adventum.*
ficiendum, & crescendum in Perfectione & Fructibus Virtutum.

MEDITATIO CCLXXIII.

De Zizanijs, bono semini inspersis.

Matth. 13. v. 24. Marci. 4. v. 26.

PUNCTUM I. *Altam parabolam proposuit illis, dicens: Simile est Regnum Cælorum homini, qui seminat bonum semen in agro suo (id est, similiter agitur circa Regnum Cælorum obtinendum) cum autem dormirent homines, venit inimicus ejus, & superseminavit Zizania in medio tritici, & abiit. Matth. 13. v. 24. Bonum semen est Doctrina sana de rebus ad Fidem, & bonos Mores spectantibus, Inspirationes Divinæ, bona Proposita, homines boni Exempli in aliqua communitate: per somnolentiam autem & incuriam vel Superiorum, vel cujuscunque hominis circa seipsum, Diabolus inspergit Zizania falsorum principiorum & dogmatum, perversarum suggestionum, ac tentationum, aut imperfectorum, ac tepidorum hominum exempla, vitia &c. Hinc patet, quantâ vigilantiam opus sit adversus inimicum non dormientem, vel pro tibi commissis, vel pro te ipso per studium Meditationis quotidianæ, frequentis Examinis, Recollectionis multiplicis, & pugnæ continuæ, ne Zizania bono semini in corde tuo inspergantur, vel ne in Communitate ac Cætu perfectorum tu instar Zizaniorum inspergaris, tanquam homo imperfectus, ac tepidus, vel omnino etiam perversus. Estote itaque prudentes, & vigilate in Oracionibus. 1. Pet. 4. v. 7.*

PUNCT.

PUNCT. II. *Cum autem crevisset herba, & fructum fecisset, tunc apparuerunt & Zizania. v. 26.* Crescente enim bono semine, crescunt & Zizania; & defectus inde exorti, quantumvis ab initio parvi, mentisque aciem fugientes, sensim notabiles evadunt; & tanto fiunt notabiliores, majusque scandalum generant, quanto magis videntur esse conjuncti cum Virtutibus majoribus. Pari ratione, quò magis alij in Virtute proficiunt, tantò magis apparet aliorum pravitas aut tepiditas. Unde nihil Zizaniorum bono semini tuo superseminari sinas, quantumvis parvum ab initio videatur; nihil enim parvum reputandum est, quod magnum evadere potest: & quia nemo repente fit pessimus, ideo attende, ne incipias fieri malus, aut tepidus, dum alij in Virtute egregiè proficiunt.

PUNCT. III. *Servi autem dixerunt ei: vis, imis, & colligimus ea? Et ait: Non; ne forte colligentes Zizania, eradicetis simul cum eis & triticum. Sinite utraque crescere usque ad messem, & in tempore messis dicam messoribus: colligite primum Zizania, & alligate ea in fasciculos ad comburendum, triticum autem congregate in horreum meum. v. 28.* Tunc Zizania non sinuntur evelli, quando Deus non dat amplius Auxilia efficacia emendationis, vel quando Superiores ad evitanda majora mala, vel ad retinenda quædam Bona, coguntur dissimulare magnorum & incorrigibilium defectuum Zizania. Ne ergo sine Zizania ita in te invalescere, radicari, ac multiplicari, ut nec tu, nec Superiores tui, ea amplius evellere queant. Nec magni æstima, si inter bonos malus tolereris: sed cave, ne tu & defectus tui alligentur in fasciculos ad comburendum igne purgatorij, vel inferni. Gratium tibi etiam sit, si à Superioribus,

perioribus, vel ab alijs de defectibus tuis admoneris, ne velut incorrigibiles igni reserventur. De quoque considera, in Cœtibus, etiam Religiosis, Zinaria, id est, imperfectos ac discolos nonnunquam lerari debere, nec statim dimittendos, aut in alio locum mittendos esse; quia aliquando serviunt conservandum triticum: quippe Perfecti proficiunt ex visis imperfectionibus aliorum, solidantur in Virtute, & Patientiæ Merita augment.

MEDITATIO CCLXXIV.

De similitudine Regni Cælorum cum Grano Sinapis.

Matth. 13. v. 31. Marc. 4. v. 31. Luc. 13. v. 19.

PUNCTUM I. *Aliam parabolam proposuit eis, dicens: Simile est Regnum Cælorum Grano Sinapis, quod accipit homo seminauit in agro suo.* Matth. 13. v. 31. Expenditur, etsi nihil majus sit Regno Cælorum, tam quoad Dignitatem, quam quoad Magnitudinem loci spectato, tamen comparetur à Christo grano omnium in nimo. Nempe hoc ideò factum est, quia Gaudia Cælestia, utpote longissimè distantia, & insensibilibus corporeis non percipienda, multò minora apparent terræ, & carnis voluntati addictis hominibus, quæ gaudia præsentia & sensibilia: sicut Sol, etiam si in comparatione major sit toto terrarum orbe, oculis tamen humano apparet sine comparatione minor. Itaque iudicium sensuum per rationem & Fidem corrigendum est, & per hanc metiendum est Regnum Cælorum.